



Broj: 01/1-50-1-1-39/08  
Sarajevo, 30.4.2008.godine

## Z A P I S N I K

### 39. sjednice Ustavnopravne komisije

Sjednica je održana 30.4.2008., s početkom u 10 sati.

Sjednici su prisustvovali članovi Komisije: Šefik Džaferović, Lazar Prodanović, Momčilo Novaković, Adem Huskić, Halid Genjac, Velimir Jukić, Martin Raguž, Ekrem Ajanović i Drago Kalabić.

Osim članova Komisije, sjednici su prisustvovali i predstavnici: OHR-a Jelena Despot, Maja Ribar, Ambasade SAD-a Frank Ostrand i Edhem Branković, Ministarstva pravde BiH Srđan Arnaut i Milana Popadić, Ministarstva civilnih poslova Sredoje Nović, Esma Hadžagić, Dražen Vujica i Draženka Malićbegović, te OSCE-a Suad Salkić.

Sjednici su prisustvovali sekretar Komisije Igor Bajić i stručni saradnik u Ustavnoj komisiji Nedžad Salman.

Predsjedavajući je otvorio raspravu o dnevnom redu u kojoj su učestvovali svi članovi Komisije i ministar Sredoje Nović. Nakon opsežne rasprave, Predsjedavajući je predložio izmjenu dnevnog reda tako da se razmatranje Prijedloga zakona o lijekovima i medicinskim sredstvima i Prijedlog okvirnog zakona o srednjem stručnom obrazovanju i obuci u BiH odgode za narednu sjednicu Komisije koja će biti održana 10.5.2008. godine.

Nakon rasprave, predsjedavajući je predložio, a Komisija jednoglasno prihvatila, sljedeći

### D N E V N I R E D

1. Usvajanje zapisnika sa 38. sjednice održane 21.4.2008. godine;
2. Prijedlog zakona o izmjenama i dopunama Zakona o sukobu interesa u institucijama vlasti BiH, predlagači: poslanici Šefik Džaferović, Niko Lozančić i Milorad Živković (**Postupak u nadležnoj komisiji u skladu s članom 110. Poslovnika Doma**);
3. Prijedlog zakona o izmjenama i dopunama Zakona o ličnoj karti državljana BiH, predlagač: Vijeće ministara BiH (**Postupak u nadležnoj komisiji u skladu s članom 110. Poslovnika Doma**);
4. Prijedlog zakona o izmjenama i dopunama Zakona o jedinstvenom matičnom broju, predlagač: Vijeće ministara BiH (**Postupak u nadležnoj komisiji u skladu s članom 110. Poslovnika Doma**);
5. Prijedlog zakona o izmjenama i dopunama Zakona o prebivalištu i boravištu državljana BiH, predlagač: Vijeće ministara BiH (**Postupak u nadležnoj komisiji u skladu s članom 110. Poslovnika Doma**);
6. Prijedlog zakona o izmjenama i dopunama Zakona o krivičnom postupku BiH, predlagač: Vijeće ministara BiH (**Postupak u nadležnoj komisiji u skladu s člankom 111. stav (4) Poslovnika Doma**);
7. **Ostala pitanja:**

- Razmatranje teksta Prijedloga izmjena i dopuna Poslovnika Doma (**Poziv Ad hoc komisije za uključivanjem u pripremu teksta Prijedloga izmjena i dopuna Poslovnika Doma**).

**Ad.1. Usvajanje Zapisnika 38. sjednice, održane 21.4.2008.**

S obzirom da nije bilo rasprave, Komisija je jednoglasno usvojila Zapisnik 38. sjednice.

**Ad.2. Prijedlog zakona o izmjenama i dopunama Zakona o sukobu interesa u institucijama vlasti BiH, predlagači: poslanici Šefik Džaferović, Niko Lozančić i Milorad Živković (Postupak u nadležnoj komisiji u skladu s članom 110. Poslovnika Doma);**

Predsjedavajući je otvorio raspravu u kojoj su učestvovali svi članovi Komisije.

Na Prijedlog zakona amandmane su podnijeli poslanici Drago Kalabić, Adem Huskić i Mirko Okolić.

Komisija je usvojila sljedeće amandmane:

**AMANDMAN I**

U članu 11. riječ: „ovlaštena“ mijenja se riječju: „ovlaštenih“ a iza teksta: „u iznosu većem od 10.000 KM godišnje“ dodaje se tekst: „odnosno u iznosu većem od 50.000 KM godišnje u fondacijama i udruženjima iz oblasti kulture i sporta.“

**AMANDMAN II**

Iza člana 17. dodaje se novi član 18. koji glasi: U članu 22. Zakona dodaje se novi stav (4) koji glasi: „Organi koji su nadležni za sprovođenje ovog Zakona, nadležni su i za sprovođenje zakona iz stava (1) ovog člana.“

Raniji član 18. postaje član 19.

Nakon rasprave odlučeno je :

- Ustavnopravna komisija jednoglasno prihvata tekst Predloga zakona o izmjenama i dopunama Zakona o sukobu interesa u institucijama vlasti BiH sa usvojenim amandmanima, te predlaže Predstavničkom domu da usvoji Zakon;
- Za izvjestioca, u plenarnoj fazi, u skladu sa članom 113. Poslovnika Predstavničkog doma Parlamentarne skupštine BiH, imenuje se predsjedavajući Komisije Šefik Džaferović.

**Ad.3. Prijedlog zakona o izmjenama i dopunama Zakona o ličnoj karti državljana BiH, predlagač: Vijeće ministara BiH (Postupak u nadležnoj komisiji u skladu s članom 110. Poslovnika Doma);**

Nakon rasprave Komisija je odlučila:

- Ustavnopravna komisija jednoglasno prihvata tekst Prijedloga zakona o izmjenama i dopunama Zakona o ličnoj karti državljana BiH, te predlaže Predstavničkom domu da usvoji Zakon;
- Za izvjestioca, u plenarnoj fazi, u skladu sa članom 113. Poslovnika Predstavničkog doma Parlamentarne skupštine BiH, imenuje se predsjedavajući Komisije Šefik Džaferović.

**Ad.4. Prijedlog zakona o izmjenama i dopunama Zakona o jedinstvenom matičnom broju, predlađač: Vijeće ministara BiH (Postupak u nadležnoj komisiji u skladu s članom 110. Poslovnika Doma);**

Nakon rasprave Komisija je odlučila:

- Ustavnopravna komisija jednoglasno prihvata tekst Prijedloga zakona o izmjenama i dopunama Zakona o jedinstvenom matičnom broju, te predlaže Predstavničkom domu da usvoji Zakon;
- Za izvjestioca, u plenarnoj fazi, u skladu sa članom 113. Poslovnika Predstavničkog doma Parlamentarne skupštine BiH, imenuje se predsjedavajući Komisije Šefik Džaferović.

**Ad.5. Prijedlog zakona o izmjenama i dopunama Zakona o prebivalištu i boravištu državljana BiH, predlađač: Vijeće ministara BiH (Postupak u nadležnoj komisiji u skladu s članom 110. Poslovnika Doma);**

Nakon rasprave Komisija je odlučila:

- Ustavnopravna komisija jednoglasno prihvata tekst Prijedloga zakona o izmjenama i dopunama Zakona o prebivalištu i boravištu državljana BiH, te predlaže Predstavničkom domu da usvoji Zakon;
- Za izvjestioca, u plenarnoj fazi, u skladu sa članom 113. Poslovnika Predstavničkog doma Parlamentarne skupštine BiH, imenuje se predsjedavajući Komisije Šefik Džaferović.

**Ad.6. Prijedlog zakona o izmjenama i dopunama Zakona o krivičnom postupku BiH, predlađač: Vijeće ministara BiH (Postupak u nadležnoj komisiji u skladu s člankom 111. stav (4) Poslovnika Doma);**

Predsjedavajući je otvorio raspravu u kojoj su učestvovali svi članovi Komisije. Nakon rasprave jednoglasno je prihvaćen prijedlog da se od Kolegija Doma zatraži produženje roka za dostavljanje Izvještaja do 12.5.2008. godine, kada će biti i održana sjednica Komisije.

**Ad.7. Ostala pitanja:**

- **Razmatranje teksta Prijedloga izmjena i dopuna Poslovnika Doma (Poziv Ad hoc komisije za uključivanjem u pripremu teksta Prijedloga izmjena i dopuna Poslovnika Doma).**

Predsjedavajući je otvorio raspravu u kojoj su učestvovali svi članovi Komisije. Nakon rasprave Komisija je odlučila da se za sljedeću sjednicu pripremi tekst prijedloga izmjene člana 137. Poslovnika, u skladu sa prijedlozima koji su izneseni.

Kako nije bilo više pitanja, sjednica je završena u 12,00 sati.

**SEKRETAR KOMISIJE**

**Igor Bajić**

**PREDSJEDAVAJUĆI KOMISIJE**

**Šefik Džaferović**